

**Paerewa Paetae**

<b>Aronga</b>	Tikanga ā-lwi 2.3		
<b>Ingoa</b>	Te tūhura i tētahi take tōrangapū		
<b>Kaupae</b>	2	<b>Whiwhinga</b>	4
<b>Marau akoranga</b>	Te Marautanga o Aotearoa		
<b>Kokonga akoranga</b>	Tikanga ā-lwi		
<b>Mana rēhita</b>	Kua rēhitatia	<b>Te rā i mana ai</b>	19 Whiringa-ā-rangi 2015
<b>Te rā e arotakengia ai</b>	31 Hakihea 2019	<b>Te rā i puta ai</b>	19 Whiringa-ā-rangi 2015

**Te Hononga ki te Marautanga**

I ahu mai tēnei paerewa paetae i te Taumata 7 o *Te Marautanga o Aotearoa*, i whakaputaina e Te Pou Taki Kōrero i te tau 2008.

**Whāinga Paetae***Tikanga ā-lwi*

- Ka kawea, ka whakamahia e ngā hapori me ngā whenua ō rātou haepapa me ō rātou motika i ngā horopaki ā-hapori, ā-whenua, ā-ao hoki*
- I ētahi wā, nā te rerekē o ngā whakapono me ngā ariā ahurea, ka tutū te puehu ka puta te mānukanuka.*

*Hītori*

- Ko ngā āinga me ngā rōpū o mua i whakaawe i ngā pūtakeanga me ngā otinga o ngā tūāhua o mua e whai tikanga ana ki Aotearoa.*

*Ōhanga*

- Mā te ōhanga ka mārama ngā take ohaoha o Aotearoa i tēnei wā.*

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Te Hononga ki ngā Tikanga Aromatawai**

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

<p><b>Paetae</b> Te tūhura i tētahi take tōrangapū.</p>	<p>Hei tohu i te paetae:</p> <ul style="list-style-type: none"> <li>• Ka tautohu i: <ul style="list-style-type: none"> <li>- ngā āhukatanga matua o tētahi take tōrangapū</li> <li>- ngā pāpātanga ki te porihanga</li> <li>- ētahi rautaki e tau ai, e koke ai rānei te take.</li> </ul> </li> </ul>
<p><b>Kaiaka</b> He kaiaka te tūhura i tētahi take tōrangapū.</p>	<p>Hei tohu i te kaiaka:</p> <ul style="list-style-type: none"> <li>• Ka tātari i: <ul style="list-style-type: none"> <li>- ngā āhukatanga matua o tētahi take tōrangapū</li> <li>- ngā pāpātanga ki te porihanga</li> <li>- ētahi rautaki e tau ai, e koke ai rānei te take.</li> </ul> </li> </ul>
<p><b>Kairangi</b> He kairangi te tūhura i tētahi take tōrangapū.</p>	<p>Hei tohu i te kairangi:</p> <ul style="list-style-type: none"> <li>• Ka arotake i: <ul style="list-style-type: none"> <li>- ngā āhukatanga matua o tētahi take tōrangapū</li> <li>- ngā pāpātanga ki te porihanga</li> <li>- te whaihua o ngā rautaki e tau ai, e koke ai rānei te take.</li> </ul> </li> </ul>

**Kōrero Āpiti**

1 E whai ake nei ngā whakamārama o ngā tino kupu, kīanga rānei:

<p>ngā āhukatanga matua</p>	<p>Ngā pū o tētahi take tōrangapū, tae atu ki ngā tāngata me ngā rōpu e whai wāhi ana. Hei tauira:</p> <ul style="list-style-type: none"> <li>• ngā pūtaka wā poto me ngā pūtaka wā roa</li> <li>• ngā tāngata me ngā rōpū e whai pānga ana</li> <li>• te āhua o te kōkiri a te tangata/rōpū i ana motika, te kawē rānei i ana haepapa</li> <li>• te huarahi hei whakatau i ngā take</li> <li>• te whakapapa, arā te horopaki ā-hitori, ā-tōrangapū hoki</li> <li>• ngā tukanga tōrangapū e whakamahia ana</li> <li>• ngā huarahi whakatairanga i te arokā tōrangapū o te tangata.</li> </ul>
<p>take tōrangapū</p>	<p>Ngā take e ara ai tētahi wehenga nui o te iwi me ngā pāpātanga ki te motu whānui, tae atu pea ki ngā mahi o mua, o nāianei hoki. Hei tauira:</p> <ul style="list-style-type: none"> <li>• ka pēhea te whakaawe a ngā kaupapa here ā-hapori i te tohatoha rawa me te taetae iho o ngā hua ('trickle-down' effect)</li> <li>• te reo Māori</li> <li>• te kapa haka – ngā take o ngā waiata/haka, te whakawāwā, te mita o te reo, te tōrangapū tara ā-whare</li> <li>• te pāpāho</li> <li>• te whenua</li> <li>• te taumau – ngā tino take i mua me te mimiti haere o</li> </ul>

	<p>tēnei tikanga</p> <ul style="list-style-type: none"> <li>• te kāwanatanga – ngā take ohaoha, whenua, ahurea, ngā tohe a ngā rōpū tōrangapū</li> <li>• te toha pūtea mai i ngā whakataunga kokoraho</li> <li>• ngā motika tangata</li> <li>• te tautohetohe i te kaupapa whakamoe pūmau i te tangata (euthanasia).</li> </ul>
pāpātanga ki te porihanga	<p>Ngā pāpātanga ki te tangata, ki te rōpū, ki te hapori. Hei tauira:</p> <ul style="list-style-type: none"> <li>• ngā āhuatanga e wehewehe ai, e whakakotahi ai te hapori.</li> <li>• ngā hua ā-pūtea, ā-pāpori, ā-ahurea.</li> </ul>

**Kuputaka:**

whakataunga kokoraho	claim settlement
pū	origins
arokā tōrangapū	political consciousness
koke	move forward

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233